

Alkitab Sagan Kakanakan Mengenal akan

Urang Sugih,
Urang
Miskin



Panulis: Edward Hughes

Nang manggambar: M. Maillot; Lazarus
Alastair Paterson

Nang manyusun: M. Maillot; Sarah S.

Nang mangartikan: Lega Pitanatal Amiani;
Nadya Cristine Armelia br. Tumorang

Nang mamproduksi: Bible for Children
www.M1914.org

©2023 Bible for Children, Inc.

Ijin: Pian beisi hak sagan menciplak atawa mancetak kisah ni,
sapanjang kada hagan di juali lagi.



Yesus tahu banyak pamimpin kaagamaan labih mancintai duit daripada Allah. Inya baucap tantang napa nang tajadi tahadap dua urang, lawan kanapa kada baguna baisi harta tapi kada baisi Allah. Kakayaan kada kawa manukar kahidupan basama Allah di surga.




Ada saurang sugih
nang baisi baju nang
bagus lawan larang.
Inya bapakaian nang
kaya raja.



Urang sugih ngintu jua makan-makanan nang nyaman.
Satiap waktu makan kaya pista ganal. Inya baisi
banyak duit makanya inya bisa nukar napa haja nang
inya handak hagan makan pagi,
siang lawan malam atau
hagan makanan halus
pas makan ganal.



Di pagar matan rumah urang sugih ngintu taandak pangamis miskin, sakit lawan lapar. Ngarannya Lazarus.



Lazarus nang miskin awaknya hibak luka-luka. Inya bapanyakit. Kamungkinan luka lawan biru di awaknya ulih urang lain nang jahat lawan inya. Atau mungkin lukanya maraganya inya kada dapat makanan nang sihat kaya susu, sayuran lawan daging.



Lazarus handak
makan. Inya
pacangan cukup
sanang lawan
sarpihan
makanan matan
meja urang
sugih ngintu.



Duyu liar kadang
takana baparak ka
pangamis miskin
lawan kada
badaya.

Duyu ngintu
manjilati
lukanya.

Kayanya kada
ada urang nang
paduli lawan
Lazarus nang
kalaparan.



Pas subuh,
Lazarus kada
bangun matan
guringnya.
Pangamis
nang miskin
lawan kada baisi
kawan ngintu
maninggalakan
kahidupan.
Lazarus
maninggal.



Kasanangan mulai pas Lazarus maninggal. Yesus baucap malaikat-malaikat mambawanya hagan kawan basama Abraham. Lazarus dihibur ulih Allah.



Urang sugih jua maninggal. Samunyaan duitnya kada kawa manyalamatakan nyawanya. Amun kamatian datang, kada ada manusia nang kawa manyatupinya.



Urang sugih dikubur, Panguburannya megah banar. Banyak urang mamuji urang sugih maraganya inya pintar lawan bahasil. Tapi pujian-pujian ngintu kada manulunginya. Urang sugih ngintu masuk naraka.



Di naraka, urang sugih manangis, "Abah Abraham, kirimakan Lazarus supaya inya mambasahi ujung jarinya lawan banyu lawan mambasahi ilatku, maraganya aku tasiksa di dalam api ngini".




"Dalam hidupmu ikam baisy sabarataannya lawan Lazarus kada baisy napa-napa," Abrahan maingatakan urang sugih. "Wahini Lazarus sudah manikmati lawan ikam dalam panyiksaan. Kada saurangpun kawa manyubarang antara ikam lawan kami."



“Kirimlah Lazarus hagan
mamparingati lima dansanakku,”
Urang sugih mamuhun. “Aku kadamau
buhannya barakhir kaya aku di wadah
dimana aku
disiksa.”



"Dansanakmu baisi Sabda Allah,"
Abraham manjawab. Amun lima
dansanakmu kada parcaya akan
Alkitab, Buhannya kada pacangan
parcaya amun
Lazarus babulik
matan matinya.



Pas Yesus imbah mangisahakan kisah urang sugih lawan Lazarus, kamungkinan pamuka agama batakun-takun di antara buhannya, "Apakah aku katuju kasugihanku labih pada aku mancintai Allah"?



Urang Sugih, Urang Miskin

Sabuting kisah matan Firman Tuhan, Alkitab

Taulih dalam

Lukas 16

"Amun tabuka, firman-firmanPian mambari
pamahaman." Mazmur 119:130



Tunting



Kisah Alkitab ni memudah akan sagan kita kaya apa Allah kita nang Hebat tu, sudah mancipta akan kita ni lawan kita handak mambari pengartian mengenal Inya (Tuhan) labih dalam lagi.

Allah tu tahu, pa bila kita ni beulah hal nang kada baik, yang Inya (Tuhan) sambat sabagai dosa. Hukum dosa tu maut, tapi Allah ni sayang banar lawan kita. Inya (Bapa) mangirim akan anakNya, Yesus, sagan mati di kayu salib lawan di hukum oleh dosa-dosa kita. Imbah tu Yesus tu hidup lagi, habis tu tulak ka surga! Pa bila buhan pian percaya dengan Yesus, lawan minta inya ma'ampuni dosa-dosa buhan pian dengan ulun, Inya (Tuhan) menggawinya! Inya (Tuhan) handak datang lawan tinggal di dalam hidup buhan pian berataan, habis tu ulun & buhan pian akan hiduo beimbai Inya (Tuhan) salawasan.

Jaka buhan pian handak babulik dari dosa-dosa pian, pander ja kaya ini ke Tuhan: Allah nang hebat, ulun percaya kalo nya Yesus sudah mati sagan kita, lawan wayah ni hidup lagi. Tamui ja dalam hidup kita, lawan ampuni dosa-dosa ulun, biar ulun bisa beisi hidup nang hanyar wayah ni, lawan suatu saat kena tulak beimbaian dengan Tuhan selawasnya. Tolongi ulun sagan hidup gasan Tuhan sbagai anak Mu (Tuhan) amin.

Bacai Alkitab lawan bepanderan dengan Tuhan
satiap hari! Yohanes 3:19

